

FAKKEL-FLITSE

Weeklikse nuusflitse vir 'n ingeligte Framesby-familie!



UITGawe 261 · 18 MAART 2022

Kontakbesonderhede: mediasentrum@framesby.co.za

6 ATLETE OP PAD NA ASA-KAMPIOENSKAPPE

OP- SPAN NA ASA-KAMPIOENSKAPPE:

Na afloop van die OP-kampioenskappe is 6 Framesby-atlete by die OP-span ingesluit wat op 1-2 April aan die ASA-Kampioenskappe in Potchefstroom sal deelneem. Slegs atlete wat die ASA -kwalifiserende standaarde bereik het, is gekies. Die standaarde is baie hoog en elk van die ses atlete se tyd en afstand sal vir hul 'n voorste plek by die kampioenskappe verseker.

LW: Slegs 59 atlete is gekies om die OP te verteenwoordig: dit beteken 10 % van die OP-atlete is van Framesby afkomstig.

Hulle is:

1. Zanri Black, dogters 0/17, 400m
2. Anri van Zyl, dogters 0/17, 100m hekkies en 100m
3. Anel Strauss, dogters 0/17, 2000m hindernis
4. Jana Terblanche, dogters 0/17, hamergooi
5. Charnleigh Kotze, dogters 0/19, gewigstoot
6. Zander van Eyk, seuns 0/19, paalspring.



Verpligte normale skooldae: Vrydag, 18 Maart 2022 [DAG 4], Dinsdag, 22 Maart 2022 [DAG 5], Woensdag, 23 Maart 2022 [DAG 6] en Donderdag, 24 Maart 2022 [DAG 7]. *Begin met Dag 4 Rooster.

Program Vrydag 25 Maart Slegs vir die volgende leerders:

07:30 - 08:30 FW (Gr.12) LW (Gr.10) Wisk (Gr.11)
08:30 - 09:30 LW (Gr.12) Wisk (Gr.11).

VERJAARSDAE DIE WEEK

SATERDAG · 19 MAART

Lian Goosen
Vicky De Kock
Jeanré Oelofse
Déwan Venter

SONDAG · 20 MAART

Zonica Neil
Theshmia Petrus
Jana Spreeth
Lara Steyn

MAANDAG · 21 MAART

Twané van der Merwe

DINSDAG · 22 MAART

Corné Scheepers
Danru Scheepers
Courtney Tait

WOENSDAG · 23 MAART

Camron Hammond
Kaydi Du Toit
Hein Terblanche
Jana Terblanche
Mila Bessinger
Shantel Liebenberg

DONDERDAG · 24 MAART

Anthonio Williams
Adrian Thorn
Simoné Vermeulen

VRYDAG · 25 MAART

Anzelle Botha
Corné Meyers
Charlin Jeule
Mari Geissler

GEBEDSGROEPIE VIR OUERS



DONDERDAE, HALF 8
BY TENNISHUISIE

HIERDIE WEEK SE FAKKEL-FLITSE WORD MET TROTS GEBORG DEUR:
SUNRIDGE VILLAGE

OP ATLETIEKKAMPIOENSKAPPE

Sewe en veertig Framesby-atlete het die Framesby-fakkel by die laaste plaaslike byeenkoms laat brand. Skole van regoor die Oos-Kaap het deelgeneem. Veral die paalspring was uitstaande aangesien vier van die deelnemers 4,40m en hoër gespring het. Die kompetisie vir die middelafstand-atlete was baie sterk.

Zander van Eyk (seuns 0/19-paalspring) het met sy rekordhoogte van 4,40m ook vir die Senior SA Kampioenskappe gekwalifiseer. Thricska Stapelberg verdien ook vermelding aangesien sy drie tweede plekke in die 100m, 100m hekkies en 200m behaal het. Anel Strauss het ook 'n tyd van 7:32 vir die 2000m hindernis aangeteken - 28 sekondes vinniger as die kwalifiserende standaard.

Framesby verower 9 goue medaljes, 18 silwer medaljes en 9 brons medaljes: Framesby verwerf dus 36 medaljes!

Goue medaljes:

- Anel Strauss, dogters 0/17, 2000m hindernis.
- Zanri Black, dogters 0/17, 400m hekkies
- Leolin Petersen, dogters 0/17, driesprong
- Christelle Stander, dogters 0/15, spiesgooi
- Jade de Jager, dogters 0/15, paalspring
- Jaco Pretorius, seuns 0/17, diskus
- JJ de Lange, seuns 0/15, paalspring.
- Damien Witbooi, seuns 0/15, driesprong
- Esri le Grange, dogters 0/15, hamergooi.

Silwer medaljes:

- Anel Strauss, dogters 0/17, 1500m
- Francois Vosloo, seuns 0/17, 800m
- Zanri Black, dogters 0/17, 400m
- Damien Witbooi, seuns 0/15, verspring
- Jana Terblanche, dogters 0/17, hamergooi
- Trischka Stapelberg, dogters 0/19, in die 100m, 100m hekkies en 200m
- Hugo Nothnagel, sens 0/17, 110m Hekkies
- Alouise Vosloo, dogters 0/15, 2 medaljes in die 1500m hindernis en 3000m
- Ruan Erskine, seuns 0/19, hamergooi
- Annree van Zyl, dogters 0/15, paalspring
- Esri le Grange, dogters 0/15, gewigstoot
- Schalk Stroebel, seuns 0/17, paalspring
- Leolin Petersen, dogters 0/17, verspring
- Charnleigh Kotze, dogters 0/19, 2 medaljes in gewigstoot en diskus

Brons medaljes:

- Jade Rollison, seuns 0/15, 2 medaljes in die 100m en 200m
- Tiaan Pretorius, seuns 0/17, 100m
- Morgan Paul, dogters 0/15, spiesgooi
- Hugo Nothnagel, seuns 0/17, 400m hekkies



- Sune du Preez, dogters 0/19, 5000m
- Alexia Meiring, dogters 0/15, paalspring
- Mieke de Vries, dogters 0/15, 300m hekkies
- Zander van Eyk, seuns 0/19, paalspring

Die volgende atlete het ook deelgeneem en Framesby se naam hoog gehou:

- Simonique Grobler, dogters 0/15: 5de in die 90m hekkies, 4de in die verspring en 7de in die 100m
- Anri van Zyl, dogters 0/17: 4de in die 100m
- Zia Ferreira, dogters 0/15: 4de in die 1500m en 8ste in die 800m
- Dallion Oerson, seuns 0/15, 4de in 1500m
- Zadriaan Gouws, seuns 0/17: 5de in die 2000m hindernis en 6de in die 1500m
- Francois Vosloo, seuns 0/17: 6de in die 2000m hindernis en 7de in die 400m
- Duston Vermaak, seuns 0/17: 6de die 1500m
- Tanya Boshoff, dogters 0/15: 5de in die 400m
- Esmerie Oberhauser, dogters 0/15: 10de in die 800m

Baie geluk aan al die atlete.



TENNIS:

3de meisies wen teen Westview 3-1
1ste seuns speel gelykop teen Brandwag, maar wen volgens potte 29-28
1ste seuns speel gelykop teen Nico Malan, maar verloor ongelukkig 26-24
2de seuns verloor teen Pearson 3-1
5de seuns verloor teen St Dominics 3-1



RUGBY:

0/14 Groep
Alexander Road Sportfees
11 & 12 Maart:

Framesby vs Grey B 10 - 0
Framesby vs Alexander Road 12 - 10
Framesby vs Westering 29 - 0
Framesby vs David Livingstone 19 - 5



NETBAL

Netbal:

0/19 A & B @ Despatch-Fees 11 & 12 Maart:

0/19 A:

Wen DSG 16-9
Wen DF Malherbe 17-2
Verloor Despatch 9-17
Wen Volkskool 17-4
Wen Collegiate 15-5
Wen Cradock 23-9

0/19 B:

Wen DF Malherbe 22-2
Wen Despatch 14-13
Wen DSG 12-7
Wen Nico Malan B 11-7
Gelykop teen Otto 1stes 11-11
Verloor Kirkwood 1stes 9-12

0/16 A & B @ Westering Sportfees 12 Maart:

0/16A

Wen Alex 31-0
Wen Pearson 26-7
Wen Westering 39-3
Wen Woodridge 31-1
Wen DSG 38-9

0/16B

Wen Collegiate 31-0
Wen Westering 34-1
Wen Harvest 41-0
Wen DF 29-6
Wen Riebeeck 35-0



DOGTERSHOKKIE

Dogtershokkie:

o/14 A-span @ Alexander Road Sportfees
11 & 12 Maart:

Vs Riebeek gelykop 0 - 0

Vs VP wen 1 - 0

Vs UTS wen 1 – 0

Vs Victoria Girls gelykop 0 – 0

1ste Dogters @ Spar Challenge

13 Maart:

6-0 verloor vs Collegiate

2-0 verloor vs Woodridge

1-0 wen vs Westering

2de Dogters @ Despatch Fees 12 Maart:

0-0 vs port Alfred

0-0 vs brandwag

SEUNSHOKKIE:

Behalwe vir die hitte was die dag vol pret. Die gazebo het gebreek toe Nico Malan s'n op ons s'n gewaai het. Juf Landman het 'n tuinslang gebruik en almal af te koel - selfs toeskouers en Port Alfred se manne. Dit was groot pret. Lekker om 'n Framesby te is!!!

2de Seuns @ Despatch-Fees 12 Maart:

1-0 verloor vs Muir

3-0 verloor vs DF Malherbe 1ste

1-0 verloor vs Despatch 1ste



TWEEKAMP

OP Kampioenskappe | Tweekamp-uitslae:
9 Maart 2022

o/15-Seuns
Jaco Strydom 1ste

o/15-Dogters
Lienke Els 4de
Mari Geissler 5de

o/17-Seuns
Xander Myburgh 2de
Tiaan Peens 7de

o/17-Dogters
Alouise Vosloo 3de
Ilke Wolmarans 4de


o/19-Seuns
Francois Vosloo 3de
Hugo Nothnagel 4de
Marco Sprong 6de
Zack Serfontein 7de

o/19-Dogters
Anel Strauss 5de
Anabelle Jonck 6de
Baie geluk aan al die deelnemers



MEDIASENTRUM

TYE TYDENS EKSAMEN
10:00 - 11:00
13:30 - 14:30




OU VRAESTELLE

Leerders kan ou vraestelle verniet op 'n USB -stokkie laai, 'n vraestel-cd koop of teen 50c per bladsy laat afrol.



BOEKЕ EN DVD'S

Leerders kan tydens pouses en na skool boekе en dvd's kom uitneem.



NAVORSING EN DRUKWERK

Leerders kan tydens pouse en na skool verniet navorsing op die rekenaars kom doen. Take kan in kleur of swart en wit gedruk word.



ONS VERKOOP DIE VOLGENDE:

Skoon cd's, vraestel-cd's, A4-kleurkarton, A3-kleurkarton, flipfile-sakkies, taakomslae, usb's en vele meer!



DIE KOSBLIK

MIDDAGETES TEEN R25



Beskikbaar tweede pose en na skool slegs op bestelling

Week 5

MAANDAG

Hoender Fillet, bedien met koljander rys en groente

DINSDAG

Cajun kort rib, bedien met rys en geroosterde groente

WOENSDAG

Hoender en Feta basieliekruit pasta, bedien met knoffelbrood

DONDERDAG

Kaaswors pastei, bedien met aartappelskyfies en sambals

VRYDAG

Stokvis in Masala beslag, bedien met aartappelwiggies en slaai

VIR BESTELLINGS:

DUANNE: 071 571 3648

E-POS: WSPE.FRAMESBYHS@EMPACTGROUP.CO.ZA



Ramble Rugsak

R 650 BESKIKBAAR IN DIE HANGER.

KUALITEIT

GEWAARBORGDE PRODUK



SKOOLWAPEN GEBORDUUR

DOUURSAAM

PLEK VIR NAAMPLAATJIE

VORDERING: KLASKAMERS





Ondersteun

Hoërskool Framesby

deur Samba



Sluit vandag aan by Samba en deel in die voordele.

Sms nou "FRAMESBY" na 30907

Samba sal u kontak vir lidmaatskap.

soveel meer *Vir my | So much more *for me**
Samba
Koöperatief Beperk | Co-operative Ltd

www.sambakoop.com

Samba Koöperatief Beperk is 'n gemagtigde FDV (Nr. 18212) en 'n geregistreerde KDV (NCRCP 1270). Termes en voorwaardes geld.

Wat is die VOORDELE om by SAMBA aan te sluit as lid?

- 'n Kontant-terug-bonus op aankope word jaarliks gedurende November aan lede uit betaal
- Sambalede kry tot 50 dae rentevrye krediet vir aankope
- Geen maandelikse fooie of transaksiekoste nie
- Tot 10% kontant-terug-bonus op aankope (brandstof uitgesluit)
- Samba faciliteer korttermynversekeringpremies deur Santam, Hollard en Bryte
- Die maandelikse premie kwalifiseer vir 'n maandelikse bonus
- Mediese gapingdekking deur Optivest en Stratum
- Bekostigbare gesins begrafnisbystandfonds
- Na 6 maande lidmaatskap kan lede aansoek doen vir motorfinansiering en ander batefinansiering teen 'n gekoppelde rentekoers of vaste rentekoers van 12%* per jaar
- Persoonlike lenings teen 'n gekoppelde rentekoers of vaste rentekoers van 9.5%* per jaar kan voor aansoek gedoen word na een jaar van lidmaatskap
- 'n Bedrag van Samba se diverse wins in vergelyking met hul jaarlikse aankope word ook aan lede toegeken
- Dit alles en nog meer is beskikbaar teen 'n minimale kaartfooi van R294* per kaart per jaar

Hoe werk die rentevrye krediet vir aankope?

Die Sambarekening sluit alle aankope in vanaf die 16de van 'n maand tot en met die 15de van die volgende maand. Lede sal hul Sambarekening ontvang voor die laaste week van elke maand.

Die uitstaande bedrag moet betaal word voor of op die 5de van die daaropvolgende maand om te kwalifiseer vir u bonus. Bv. Die Samba aankope maand loop vanaf 16 Januarie – 15 Februarie met die volle bedrag betaalbaar teen 5 Maart.

Hoe doen ek aansoek vir lidmaatskap?

Voltooи 'n aansoekvorm en stuur die voltooide aansoekvorm terug na Samba tesame met u nuutste maand se bankstaat en salarisstrokie OF slegs u nuutste maand se salarisstrokie, afskrif van u ID en 'n bewys van adres na aansoek@sambakoop.com.

Aansoekvorms is beskikbaar op ons webblad by www.sambakoop.com of stuur vir ons 'n e-pos na aansoek@sambakoop.com. of skakel u naaste Samba-kantoor by Bloemfontein: 051 448 0111, Kimberley: 053 831 1976/7 en Port Elizabeth: 041 363 2727.

*Koste en rente kan van tyd tot tyd verander soos deur die kredietgiver bepaal. Aansoek is onderhewig aan goedkeuring. Persoonlike lenings is beperk tot 'n maksimum toegelate bedrag. Samba (Koöperatief) Beperk is 'n gemagtigde Finansiële dienstverskaffer (lisensienr. 18212) en 'n geregistreerde kredietverskaffer (NCRCP1270). Terme en voorwaardes geld.

FRAMESBY OUDSKOLIERE



ONS GESELS MET: YOLANDIE KOTZE (NÉÉ OOSTHUIZEN)



Yolandie Kotze

Ek ontvang 'n e-pos en ek wonder of hierdie dalk vir die regte persoon gestuur is?

Ek word die voorreg gegun om 'n oudskoliere-berig te skryf vir Hoërskool Framesby. Ek moet nou baie diep gaan delf, want sien, ek was nie in die eerstespan hokkie of-netbal nie. Asook nie iewers in 'n koor of het hoë hoogtes in kultuur bereik nie. Ek dien ook nie dans op enige groot rade nie. Ek was ook nie een van die "cool" in-groepies nie, maar net doodgewoon. Ek dink nie enigiemand het my eintlik regtig raakgesien nie, maar ek is 'n oudleerling van Hoërskool Framesby en dit opsig self is 'n groot voorreg.

Hoërskool Framesby was nog altyd en is steeds baie sterk op sport en akademiese terrein. Dit maak my nog meer trots om te sien hoe die skool in die jare na 2001 gegroeи het. Hulle hoof vir geen ander skool in ons land terug te staan nie. Dit bly 'n top-skool in Suid-Afrika.

Ek dink terug, en ek onthou die eerste 2 weke wat ek as 'n standerd sessie by Framesby se hekke ingestap het. Ek dink ons was nog "pritte" genoem... die geluid wat'n huisie maak wanneer hy gedruk word. Ek hoor

nog die Leerlingraad van 1997 wat ons "orientering /doop" waargeneem het, sê. Ek dink daarmee saam ook terug aan my heel laaste dag wat ek by Framesby se hekke uitgestap het, 5 November 2001, na my Wiskunde II vraestel. Wat gaan die lewe hierna vir my inhoud? Dit was 'n gevoel van blydschap, van onafhanklikheid en volwassenheid, tog ook bietjie senuweeagtigheid om nou finaal in die "grootmenswêreld" te kan wees.

Ons standerd ses- kamp was by Boknes. Ek onthou ook die aand toe die meisieskamer se beddens inmekaar geväl het (na die herstelproses van 'n brand die jaar tevore).

Ek was in Huis Vis vir atletiek, en mnr. Pretorius was gedurende my Hoëskooljare ons skoolhoof.

Ek onthou dat ons deel van dié was wat ook in die middae na skool oor die brug moes loop. Gelukkig het my ma of pa net aan die ander kant van die brug vir ons gewag , so ons het nie die heelpad huistoe gestap nie. Dit was vir my wat van 'n klein Laerskool (Verkenner) gekom het,'n massiewe skool en die Matrieks het soos reuse gevoel. Soos die jare aangestap het, het die Matrieks vir my al kleiner begin lyk. Dalk my verbeelding maar ek is self maar net 1.53m lank. So ek dink ek sal weet.

Ek het ook nooit alleen gevoel nie, want ek het geweet ek sien my suster, Ilzé, toe in St 7, elke pouse. Ek dink ek het 'n hele goeie maand of so saam met haar en haar vriendinne die tydjie voor skool en pouses spandeer, todat ek my eie vriende begin maak het in hiérdie groot skool.

Ek het Wiskunde vanaf St.8 by juf. Lombard gehad, Rekeningkunde by juf. van Reenen, Huishoudkunde by juf. Schelbert, Afrikaans by juf. Bence, Skeinat by mnr. Oosthuizen en Engels by mrs. Kennedy-Good.

Afrikaans was een van my gunsteling vakke. Beide juf. Jordaan (St. 6 en 7) en juf. Bence (St. 8-Matriek) het Afrikaans lekker gemaak. Ek het altyd gedink ek sou graag 'n Afrikaansonderwyseres wou word en dieselfde passie en liefde vir ons taal aan generasies wat kom, wou oordra, want Afrikaans MAG NOoit uitsterf nie. Dit was my gunsteling om poësie te ontleed.

Ons gesin was bure van mnr. Van Niekerk-hulle (my ouers is steeds) ek en my suster het in die oggende 'n saamrygeleentheid saam met hom skool toe gehad. Ek het tot vandag toe nog kontak met mnr. van Niekerk, asook mnr. en mev. Oosthuizen, my St 6-Wiskunde juffrou en my Skeinat meneer.

Ek dink terug aan Skeinat klas by mnr. Oosthuizen, waar ek en Jeanne Nell alewig kompeteer het in die Skeinat-toetse oor wie die beste gedoen het. Ons het altyd redeneer met mekaar wie verkeerd en wie is reg. Hy is beslis te vroeg van ons weggeneem (oorlede in 2013 aan 'n fietsry kompetisie fratsongeluk). Ek onthou ook hoe trots ek was toe ek my Framesby Erekleur baadjie kon dra. Dit was 'n baie spesiale oomblik om hierdie blou baadjie te kon dra. Noem dit nou maar "small things amuses small minds", maar 'n mens het tog hard hiervoor gewerk.

Ek onthou ook 'n sekere incident in juf. Schelbert se Huishoudkunde klas saam met my huishoudkunde-maat, Anneke Botha, waar een van ons tweetjies die stoofplaat aan vergeet het. Ek het my Lemon Meringue-tertkors se glasbak op die warm plaat laat ontploff het. As ek nou terugdink aan daardie dag kon dinge lelik skeefgeloop het. Tot vandag is dit een nagereg wat ek nie sommer maak nie-al is dit my man se heel gunsteling.

Dit was lekker om groot te word sonder die druk van sosiale media. Waar jy regtig nog tyd gemaak het om oor en weer bymekaar te gaan kuier, of mekaar per landlyn te kon bel en lank na skool gesels. Tog is ek dankbaar vir sosiale media, waar ons almal vandag in 'n mate nog kontak jare na skool met mekaar het.

Na skool het ek Aptekerswese by UPE gaan studeer en my B.Pharm graad in 2007 aan NMMU verwerf . Gedurende die einde van my tweede jaar het ek en my man, 'n B.Com Rek-student ,wat by Potchefstroom se Universiteit studeer het, ontmoet deur 'n gemeenskaplike vriend. So het ons ons 3 jaar lange afstandverhouding begin. Ek het daarna my internskapjaar by Netcare Sunninghill Hospitaal gedoen en my gemeenskapsdiensjaar by 'n gevangenis in die Vrystaat, Groenpunt Gevangenis. Ek het as apteker by Netcare Olivedale Hospitaal begin praktiseer.

Ek en my man, Henry Kotze, 'n Geoktrooieerde Rekenmeester, is in 2009 getroud en ons is die trotse ouers van 2 pragtige dogtertjies, Annika, 9 jaar oud en Cara, 6 jaar oud. Ek leef vir my gesin en beskou hulle as my grootste geskenk en rykdom van God af.

Ons is vanweë die aard van my man se werk, bevoorreg om vir 6 jaar vanaf 2012-2017 in Afrika-lande soos die DRC en Zambië te kon bly. Ek noem hierdie 'n groot voorreg, want 'n mens leer wel lewenslesse in sulke lande. Onder andere dat jy regtig nie 'n Woolies Food nodig het om te kan oorleef nie. 'n Mens maak regoor die wêreld vriende wat vir altyd 'n pad saam met jou loop. Dit was van my beste ervarings. Ons is nou weer terug in Gauteng - Krugersdorp.

Ek werk tans by Medscheme vir 'n Chroniese Medisyne Bestuurafdeling van 'n mediese skema. Ek geniet my werk verskriklik baie.

Hier, 1200km weg van die Oos-Kaap is ek steeds trots om te kan sê ek was .n leerder van Hoërskool Framesby. Verbasend weet heelwat mense hiér van ons hoërskool. Dit is ook met trots dat ek altyd noem dat "onse" Martin Bester (Jakaranda FM) ook uit my alma-mater, Hoërskool Framesby, kom.

Ek sal graag vir vandag se leerlinge van Hoërskool Framesby wil sê dat jy het regtig net een lewe. Leef dit elke dag ten volle asof dit jou laaste is. Weet ook, dat alles wat nou met jou gebeur, eintlik nie oor 10 jaar van nou af meer gaan saakmaak nie, en dit wat nou vir jou belangrik is, ook oor 10 jaar dalk nie meer so belangrik mag wees nie. Almal sê so, maar dit is regtig so...tyd vlieg en voor jy jou oë uitvee , is jy, soos ek, 21 jaar uit die skool.

Vriendelike groete en seënwense uit Gauteng
Yolandie Kotze



'n Terugblik op ons verlede

Die jaargroepe van 1971, 1981, 1991, 2001 en 2011

Dat Hoërskool Framesby oor die afgelope 55 jaar elke jaar van krag tot krag gegaan het, en nooit die weg van minste weerstand gevolg het nie, getuig van 'n gedeelde visie dat nijs vir hierdie "voortredelike skool" onmoontlik is nie. Onder die leiding van die eerste vier skoolhoofde, sowel as hul personeel, is daar met groot sorg en toewyding gewerk en gebou aan 'n etos en karakter van 'n voortdurende strewe na uitnemendheid. Hierdie fondamente en boustene het in die eerste halfeeu voorwaar gesorg vir 'n roemryk verlede, waarop die huidige skoolgemeenskap onder leiding van mnr. Germishuys kan bou aan 'n eervolle en skitterende hede.

Alhoewel ons met groot dankbaarheid die rol van die Framesby-personeel oor die jare erken, sou nijs van hul visie en bouwerk gekom het as dit nie was vir die besondere leerders wat oor die jare deel was van die Framesby-familie nie. Elke jaargroep het op hul manier oor die vyf jaar wat hulle deel van Framesby was, 'n duidelike spoor agterlaat. Miskien nie altyd in die vorm

van roemryke oorwinnings of selfs skitterende uitslae nie, maar veral as mense met lojaliteit en deursettingsvermoë. Mense wat die terugslae en teleurstellings wat na hulle kant gegooi is, met gemak kon hanteer, en elke keer net sterker anderkant uitgekom het. Mense met groot harte wat oreg omgee vir ander. En, miskien die spesiaalste, mense wat verby agtergrondverskille kon kyk, wat bereid was om vir iets groter as hulself te baklei, en wat altyd Framesby 'n "force to be reckoned with" gemaak het.


Ons bring dan spesiaal hulde aan vyf van hierdie groepe wat oor die afgelope 50 jaar hul merk hier gemaak het. Ons tweede matriekklas van 1971, die klas van 1981, die matrieks van 1991, die millennium-pioniers van 2001, asook die Generasie Y van 2011. Al hierdie groepe het hul merk baie duidelik gemaak en dra vandag steeds ons skool se naam op 'n baie besondere manier uit. Ons salueer hulle en deel hul teleurstelling dat hulle ook nie vanjaar reünie kon hou nie.



Mnr. W.L.V. (Rautie) Rautenbach

Mnr. Willem Rautenbach, of Rautie, soos hy onder sy kollegas en vriende bekend was, was een van personeellede wat in 1966 saam met die 117 standerd sesse Framesby begin het. Hy is later bevorder tot adjunkhoof en is in die laat 1970's aangestel as Inspekteur van Onderwys. Mnr. Rautenbach was een van die heel grootste geeste in Framesby se geskiedenis en was instrumenteel in die vestiging van soveel Framesby-tradisies. Deur die jare het hy die groei van Framesby met groot trots gevvolg en in 2015 'n stukkie geskryf oor die eerste jare van ons skool.

Ons het vroeër vanjaar met groot leedwese verneem van mnr. Rautenbach se afterwe. Ter nagedagtenis aan hierdie besondere Framesby-grote plaas ons graag sy herinnering ter inleiding van terugkyk op die matrieks van 1971, 1981, 1991, 2001 en 2011.



Lekker lees!

Herinneringe van mnr. W.L.V. Rautenbach

Op 19 Januarie 1966 betrek 'n groep onderwysers bestaande uit 'n paar ervare en onervare leerkragte 'n onvoltooide struktuur. Op hierdie groepie se skouers sou die taak rus om van niks iets te maak, 'n skooltradisie 1966 te skep en 'n leerkultuur tot stand te bring en 'n skool te bou wat op vele terreine met waardigheid sy plek kon volstaan, en om seuns en dogters voor te berei om hulle plek in die samelewning vol te staan.

Die eerste personeel het bestaan uit Mnr D.J. Visser (skoolhoof), Mnr Chimpy Cawood (onderhoof), mnr. Calvyn Knoetze, mnr W.L.V. Rautenbach, mnr. Cedrick Dudley, mnr. C. Deysel, me. Sally Holland, me. Vera D'Assenville en mev. Polly du Preez (sekretaresse). Beide mnr. Visser en mnr. Rautenbach sou later Inspekteurs van Onderwys word, terwyl mnre. Cawood en Knoetze beide lektore in Opvoedkunde sou word, met prof. Cawood aan die Universiteit van Stellenbosch en mnr. Knoetze aan die Universiteit van Port Elizabeth.

Die eerste skooljaar is slegs 117 Standerd 6-leerders, ongeveer 'n gelyke getal Afrikaans- en Engelsprekendes, ingeskryf, wat vanoor 'n wye gebied van Port Elizabeth gekom het. Onder hulle was daar 'n paar karakters wat, in jare gemeet, reeds in die senior skoolfase moes wees!

Soos reeds vermeld was die skoolgebou geleë in 'n yl bewoonde gebied aan die buitewyke van die stad. Wildsbokkies wat bedags daar verbygeloop het, was nie ongewoon nie.

Groeipyne

Op die eerste skooldag was die gebou nog onvoltooid, en die eerste vloer moes nog afgerond word. Soms was dit onmoontlik om jou hoorbaar te maak teen die luidkeelse gesprekke van 90

Een van die eerste personeellede en later adjunkhoof.

Dis met groot hartseer dat ons vroeër vanjaar van mnr. Rautenbach se afsterwe verneem het.

arbeiders wat al hulle nuus met mekaar gedeel het. Voeg daar nog by die lawaai van skuurmasjiene bokant jou kop. Ons moes egter maar deurdruk en poog om kennis oor te dra, Gelukkig was daar die beproefde skryfborde!

Voorrade was beperk en nog in kartondose gestoor. Om bevoorbeeld die eerste dag bietjie tee te kon maak, moes daar eers deur die dose gedelf word om die Urn te kry. Skoolbanke moes bestel word deur die gebruiklike kanale, en dit het ook sy humor opgelewer. Die gerug het die rondte gedoen dat toe die skoolhoof die bestelling geplaas het, een van die klerke hom versoek het om te motiveer waarvoor die banke benodig word. Die antwoord was kort en kragtig - om op te sit! Totdat die bestelling uitgevoer is, moes van skoolbanke gebruik gemaak word wat vanoor die hele PE geleent is - -uitskot deeglik gedekoreer en versier deur die vorige gebruikers.

Die skoolterrein was omhein maar origens was dit nog begroei met die inheemse plante. Daar was geen teken van die skool se huidige goeie sportfasilitate nie. Hierin het die personeel en ouers goed saamgewerk

om die nodige geriewe te skep. Ouers soos die Bassons, die Taits, Jansens, Strydoms, Lahouds, Dills, Burgers en vele ander het hierin die voortou geneem.

Baie gou moes belangrike besluite geneem word ten opsigte van dinge soos:

1. Skooldrag: Die eerste voorlegging was vaalgrys, maar is genadiglik afgeskiet en vervang met die koningsblou soos vandag nog in gebruik. Al wat van die grys oorgebly het, was die strepe in die rugbytrui.
2. 'n Sakwapen, Skoolleuse en Skoollied moes ontwerp word
3. 'n kiesstelsel vir die Leerlingraad moes oak ontwikkel word. Die eerste hoofseun was Johnny Bilson en die eerste hoofdogter Magda Ferreira.

Die beginjare

Rugby het sy beslag gekry op die Laerskool Verkenner se veld aangesien Framesby nie sy eie rugbyveld gehad het nie. 'n Nederige begin is gemaak in die 4de liga, maar spoedig is daar gevorder tot die eerste liga, waar die skool onmiddellik sy stempel afgedruk het. Paul Brand en Leon Venter was die eerste Framesby-spelers wat vir die Cravenweekspan gekies is. Ná die bou van 'n eie rugbyveld was daar geen keer aan die skool se opgang nie.

Tog wil ek hier 'n komiese incident aanstip. Aangesien die OP Rugbyunie nie vir dié laer ligas skeidsregters voorsien het nie, moes afrigters dikwels self die fluitjie hanter. Die betrokke skeidsregter/afrigter se span het die hele seisoen geen punte aangeteken nie, maar dié betrokke wedstryd slaag een van die spelers daarin om die lyn te breek. Oppad doelyn toe sit die entoesiastiese afrigter hom agterna terwyl hy luidkeel skreeu "druk hom

.... druk hom"! Die toeskouers het dit uitermate geniet.

Atletiek was ook 'n prioriteit en sommer in die eerste jaar is daar meegeging in die PE-Walmer-byeenkoms, waar die Seuns O/14 'n derde plek behaal het. Dit was die begin van groot dinge en spoedig het Hoëskool Framesby die atletiektoneel oorheers, en ook op nasionalevlak sy stempel afgedruk. Die grondslag is gelê deur die entoesiastiese afrigter, mnr. Johan van Wyk, en sy helpers, en die omstrede asbaan om die rugbyveld. Ander sportsoorte soos netbal, tennis en hokkie het ook hul beslag gekry. Laasgenoemde welliswaar op 'n grondbaan, omhein met doringdraad!

Op kultuurgebied is daar uit die staanspoor aandag gegee aan die Landsdiensbeweging, 'n debatsvereniging, musiek en 'n skoolkoor. Laasgenoemde was aanvanklik slegs 'n dogterskoor totdat die seuns hul allergie vir koorsang oorkom het! Miskien het die mooie koorleidster hier ook 'n rol gespeel!

Kadette is ingestel en dit was 'n skouspel om die seuns se drilbewegings dop te hou, begelei deur n bekwame kadetorkes. Skyfskiet is ook ontwikkel en later is selfs die senior dogter ook hierin opgelei.

Die akademie was uit die staanspoor die prioriteit. Soos reeds vermeld het die skool met slegs Standard Sesse begin. Heerlik vir die onderwysers, want slegs een les is voorberei en 6 keer herhaal! Verder is alle aandag op die klein groepie leerders toegespits. Kans vir wegkom was daar nie. Die grondslag wat daar gelê is het vrugte opgelewer, en spoedig is gemiddelde A-simbole behaal. Paul Brand en Marietjie Visser was die eerste van vele wat sou volg. Trots was die skool toe Louis van der Watt 'n tweede plek op die Kaaplandse merietelys behaal het!

Die skool wou nie net seuns en dogters akademies ontwikkel nie, maar het daarop gekonsentreer om hulle op te lei om waardeige landsburgers te wees

wat hul plek in die samelewing kon volstaan. Om die totaliteit te ontwikkel is aan presteerders erkenning gegee deur prestasie-sertifikate vir deelname op 'n wye spektrum, en nie slegs aan die toppresteerders nie. Tydens die jaarlike Prysuitdeling - wat 'n deftige formele geleentheid was - is die sertifikate oorhandig. Daar is ook erkenning gegee aan prestasies buite skoolverband, soos o.a. aan Johnny Koen, wat sy Springbokkleure - die eerste van vele - in Fietsry verwerf het.

Om hierdie dinge te vermag is die siklusrooster ingestel - die eerste in Kaapland - en dit het reuse vrugte afgewerpt.

Die skool se opvoedingstaak was gegrond op die uitleefvan Christelike beginsels en om die jeug te sien as 'n geskenk van die Here en as jong olyfboompies wat begelei en gebuig moes word tot Sy sierrade, en daarom is 'n ACSV tak gestig en tydens saalbyeenkomste en personeelvergaderings is baie klem hierop gelê.

Ek kan nie nalaat om die rol wat die eerste skoolhoof in die skool se opbou gespeel het, uit te lig nie, en 'n paar staaltjies oor te vertel nie.

Mnr. (later Doktor) Visser was iemand wat van voor af geleei het. Alles wat hy gedoen het, kon terugherlei word na sy diep Christelike beginsels wat hy prakties uitgeleef het. Alhoewel hy baie van sy personeel geëis het, was sy uitgangspunt - ek verwag nijs van my personeel wat ek nie bereid is om self te doen nie. Hy het verder geglo dat, as iets die moeite werd is om te doen, dit die moeite werd is om dit goed te doen.

Die personeel was vir hom belangrik en daarom het hy gesellige samekomste ingestel waar hy en die personeel gesellig saam kon verkeer, en waar nuwe personeellede ingetrek kon word. Hy het uit sy pad gegaan om sy personeellede te beskerm, al was hulle skuldig. Die volgende incident illustreer dit:

'n Onderwyser, wat die gewoonte gehad het om 'n leerder wat gefouteer het,

liggies met die plathand teen die been te tik, het dit ongelukkig ook gedoen met 'n dogter van 'n hoë polisieoffisier, wat woedend gereageer het en dadelik 'n afspraak met die skoolhoof gemaak het vir 4 uur daardie middag, om sy ontevredenheid uit te spreek. Die skoolhoof het, uit die aard van die dreigemente deur die pa, die betrokke leerkrag na die kantoor ontbied om die onstoke ouer in te wag.

Kort voor 4 uur het die skoolhoof al die deure van die kantoor toegemaak en gewag. Uiteraard moes die ouer klop om toegang te kry, aangesien die administratiewe personeel reeds vertrek het. Hy het agter die lessenaar stelling ingeneem en gewag. Toe die pa klop, het hy met 'n harde stem uitgeroep: "Binne", hom effens opgelig met sy kneukels op die lessenaar, die ouer stip in die oë gekyk en begroet met die woorde: "Ek skrik nie vir uniform nie en ook nie jou rang nie. Wat wil jy hê?" Met die wind uit sy seile het daar nijs gekom van die ouer se vroeëre dreigemente nie, en het hy een van die lojaalste ouers van die skool geword.

Ten spyte van wat mnr Visser by Framesby vermag het, het hy nie sy eie eer gesoek nie, en het hy nie daarin geglo om vereer te word nie. Sy satisfaksie is steeds verkry deurdat, na al die jare, oud Framesby-leerders hom geéer en gerespekteer uit dankbaarheid vir wat hy vir hulle beteken het.

Die volgende staaltjie illustreer ook die goeie onderlinge kameraadskap wat tussen die personeel geheers het:

Een ooggend noem die skoolhoof dat hy 'n sekere onderwyser nog nie gesien het nie. Dadelik is daar besef dat hy moes verslaap het, en dit was al amper eerste pouse. Hy is dadelik gebel en vertel dat die skoolhoof hom soek. Gelukkig het hy naby die skool gewoon, en pouse kom hy toe ewe kalm aangestap vanaf die atletiekbaan, terwyl hy al swaaiende 'n stel wègspringblokke in sy hand dra. Hy stap toe direk na die skoolhoof en begroet hom met die woorde: "Ek verneem meneer soek na my ..."

Boodskappe deur die hoofleiers van 1971

Albie Basson en Marietjie Visser



My vormingsjare aan Hoërskool Framesby sal my altyd bybly. As nuwe skool was daar nie baie geriewe nie en moes ons, die leerders, arm uit die mou steek; vir die eerste paar weke moes ons op en af loop en klippe optel sodat ons 'n rugbyveld kon kry.

Ek glo die opofferings wat ons moes maak het van ons beter mense gemaak. Ons het besef dat as jy iets uit die lewe wil kry, dan moet jy bereid wees om jou hande vuil te maak. Ek dink dit is een van die redes waarom Framesby 'n groot groep selfstandige en selfgmotiveerde leiers deur die jare opgelewer het.

Op ligter luim sal ek nooit vegeet toe ons verneem Mr. Visser, die skoolhoof, sou ons op ons eerste skooltoer vergesel nie. Groot was ons verbasing toe ons agterkom dat hy streng, maar tog ook 'n goeie sports kon wees; en die toer was 'n groot sukses.

Ek kyk met heimwee terug na al die ondervindings wat ons by Framesby kon meemaak. Dit het van Framesby nie net 'n voorloper op akademiese- en sportgebied gemaak nie, maar ook op kultuurgebied met redenaarkompetisies, vasvra-aande, toneelspel en koorsang.

Ek wens die nuwe geslag voorspoed toe; Handhaaf die boustene wat ons gelê het en Bou daarop voort.

Albie Basson



In 2021, MidCity Pretoria, kry Generasie Z seer. Dit is julle. Google dit. Dalk by die see is dit anders, maar hier tussen mynhope, Covidangs en -isolasie, is daar min plek vir speel. Hier kuier mens in bar's, alle soorte, van burger-bar's tot beefeaters waar


ID's gefake word. Gras hier is ook party plekke fake. Jy koop dit by die meter. Nie orals nie, maar nogtans.

In Framesby het ons skool gegaan in 'n mooi skoolgebou, sement goed afgewerk tussen bakstene - meesterbouers - op regte gras gespeel, huiswerk gedoen saam met ons vriende, huissport dae gehad, met cheerleaders gesing tot jy seker was jy die volgendeoggend hees sou wees - 'die besem, die besem...' en in lig-donker onder toesig gevry. Shozaloza op die Landsdienskampe.

As dit seer was by die huis, was dit beter by die skool. Mooi skoolgebou, groot grasperke en orde, plek vir almal, al het die bus-kinders na koolstoof geruik. Almal se talente raakgesien en ontwikkel. Niemand net 'n nommer nie, tensy jy wou wees.

As Framesby nog 'n hawe is vir jou hart en plek het vir almal, ook vir jou wat nie heeltemal in die prentjie pas nie, is ek saam met jou in hierdie herdenking.

Marietjie Visser



Herinneringe van 'n 1971 matriekleerder

In 1967 het ons, Engels en Afrikaanssprekende leerders, as groentjies, Framesby se skoolgronde betree. Op daardie stadium het die skool slegs uit standerd 6 en 7 leerders bestaan.

Die skoolgronde het aansienlik anders as vandag gelyk en die geriewe was maar baie beperk. Daar was nog geen skoolsaal nie. Vir 'n "saalbyeenkoms" het die hele skool buite bymekaar gekom. Waar die huidige mediasentrum is, was 'n groot teerblad wat vir hierdie doel gebruik is. Laerskool Verkenner se skoolsaal is gebruik vir die jaarlikse prysuitdeling.

Waar die huidige A- en B-blok asook die parkeerarea nou is, was die gebied met gruis bedek. Dit was die paraderond vir kadette en in die middae die hokkieveld vir dogters. Hokkie was op hierdie stadium slegs vir meisies. Rugbyoefeninge was op die huidige A-veld, maar die oppervlakte was nog baie ongelyk. Die atletiekbaan om die veld het 'n as-oppervlakte gehad.

Ten spyte van die feit dat die fasiliteite baie beperk was, was daar 'n groot verskeidenheid buitemuurse aktiwiteit aangebied. ACSV, koor, debatsvereniging, atletiek, landloop, netbal, hokkie, rugby en tennis. Die skool het van die Sunridge klub se tennisbane gebruik gemaak. Die bane was waar die huidige Sunridge-winkelsentrum nou gebou is.

In 1969 is die Landsdiensbeweging as buitemuurse aktiwiteit by die skool



gevestig. Leerlinge het onder andere die geleentheid gehad om streekkompe by Oos-Londen by te woon. Die skool het in 1970 'n toer na die Kruger-wildtuin gereel en vir standerd 8 tot matriek leerders die geleentheid gegee om dit mee te maak - 'n hoogtepunt vir dié wat dit kon beleef.

In 1971 het die eerste rugbyspan vir die eerste keer die navyblou trui, met maroen strepe oor die bors, aangetrek. Mnr. Leon Koen was die eerstespanafrigter. As 'n jong span is daar hard gespoek om ons man te staan teen die gevestigde skole in die stad en omgewing.

Mnr. Henning Buitendach, Biologie-onderwyser, het self vir OP op die rugbyveld uitgedraf en was die 0-15 afrigter. Sy reël was: "As jy nie kom oefen nie, speel jy nie Saterdag die wedstryd nie." Alhoewel die speler Saterdag langs die veld was, moes die span met 14 spelers op die veld draf. Kort na die aanvang van die wedstryd het 'n ster speler seergekry en moes die span die wedstryd met 13 spelers voltooi. Die term reserwe het nog nie bestaan nie.

By die interhuissport was daar drie interhuisspanne nl. Maroen, Grys en Blou wat met groot wedwering gekompeteer

het.

Mnr. Dirk Visser het met 'n ysterhand regeer. Dissipline was in daardie dae stewig met 'n rottang in die berugte kamer 11 toegepas. Selfs die bordaanwyser is per geleentheid deur 'n onderwyser gebruik om die hele klas vooroggendgodsdienste te laat deurloop.

Die standerd 9 klas van 1970 was die eerste klas wat 'n matriekafskied aangebied het. 'n Dans was totaal "taboe". Die funksie was dus in die vorm van 'n formele dinee - tema: "Vin Rosé".

Dit was lekker om te sien en ervar hoe Framesby deur die jare ontwikkel en groei. Dat ons drie kinders hul hoëskoollooppaan aan Framesby kon voltooi, was 'n voorreg. Hier is vir hulle die geleentheid gebied van goeie onderwysers, vriende, deelname, opvoerings, wedstryde, toere, saam studeer, baie lag ...

Die akademiese onderrig was vanuit die staanspoor van hoogstaande gehalte en leerders kon hulself handhaaf aan enige universiteit of akademiese instelling. Uit hierdie eerste groep is mense wat hulself bekwaam het as mediese dokters, ingenieurs, geoktroieerde rekenmeesters en vele ander beroepe en het hul grondslag in Framesby gehad. Uit onderwysgeledere is daar ook skoolhoofde en inspekteurs opgelewer.

Na 50 jaar kan ons terugkyk en besef dat die eerste wankeliige treetjies van sekere Framesby-tradisies wat in 1966 begin is, ontwikkel en uitgebou is. Framesby is 'n skool waar oudleerders op menige terreine uitblink en presteer. 'n Plek: "Waar potensiaal verwesenlik word" deur harde werk, deursettingsvermoë en 'n goeie ondersteuningsnetwerk.

Mike Tait

Skooltoer 1971



Matriekafskeid 1971



Eerste rugbyspan 1971



Tweede rugbyspan 1970



Atletiekspan 1971



OUDSKOLIERE BERIGTE:

Indien jy iemand vir die Oudskoliere-berig wil nomineer,
kontak ons gerus : mediasentrum@framesby.co.za.

Ons wil graag berigte plaas van al ons oudskoliere, maar
benodig hul selfoonnombmer/e-pos om kontak te maak.

Dis altyd lekker om te hoor waar ons oudskoliere hulself
vandag bevind sowel as om terug te kyk na almal se
Framesby herinneringe.



FRAMESBY OUDSKOLIERE (FOS)

Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na **fos@framesby.co.za** sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOONNOMMER:
- E-POSADRES:

**U inligting bly hoogs
vertroulik.**

Die rede hoekom ons u
ID-nommer benodig, is om te
verhoed dat ons duplike op
ons sisteem stoor.



31 ENDING
MARCH 2022

FREE prescription sunglasses up to R3100

POLICE
eyewear

HUGO
HUGO BOSS

CONVERSE★

T's and C's apply.



For AFFORDABLE EYE CARE

Book online
specsavers.co.za